


刻千金寶要序

千金寶要者宋徽猷閣直學士郭思按
唐孫真人先生所集千金方中纂要者
也宣和六年思曾刻石于華州公署我
明正統八年華州知州劉整重刻景泰六
年知州楊勝賢以石刻冬月不便摹印
易刊木板往年春予得之喜其方之簡
便藥之近易醫不煩而取効速信有切

于人之實用廼珍如拱壁不容自秘已
命壽之梓矣竊惟寶要纂自真人千金
方中天下之遊耀州真人洞者歲無虛
日日無虛時顧獨不立石乎真人洞前
非所以廣其傳也因刻于洞前云
隆慶六年歲在壬申春三月上吉

秦玉守中識



郡人左重耀敬
觀

千金寶要目錄

婦人第一

小兒第二

中毒第三

飲食中毒第四

解百藥毒第五

蛇蝎等毒第六

喉痺金瘡第七

瘡疽癰腫第八

霍亂吐瀉第九

席犬馬傷第十

針折入肉附

舌耳心目等大小便第十一

中風大風水氣第十二

瘰癧癰等第十三

頭風吐逆第十四

度瘡渴淋第十五

頭面手足癰瘡漏第十六

痔第十七

論

千金須知

千金寶要卷之一

婦人第一

妊娠難產燒車軋脂內酒中服亦治腹中

痛并欬嗽

妊娠忽苦心腹痛燒鹽令赤熱三指撮酒

服之立產

又方吞槐子二七箇

又方菟絲子或車前子以酒或米汁服方

寸匕即生

又方水或酒服家中黑塵

子死腹中及小難橫生倒生難生者半夏

白欬各二兩末之服方寸匕亦可加代

赭瞿麥各二兩佳小難一服橫生二服

倒生三服子死四服

又方榆白皮細切煮三升服之

子死衣不出上搶心者急取蟻垤土三升

熬之令熱囊盛熨心良

又方木竈突中墨三指撮水或酒服之

乳無汁者土瓜根末之一服半錢匕日三

衣不出及橫生逆生者小麦小豆煮濃汁

飲立出

產三日不出者燒大刀鐸以酒一盞沃之

頓服

又方燒藥杆令赤內酒中飲之救死不分

挽者

產乳暈絕者製了半夏一兩末之丸如大

豆內鼻孔中愈

又方神麴末水服方寸匕

又方含醪醋喫面

子死腹中牛屎塗母腹上立出

胎死腹中服水銀三兩立出

未足月而胎死者以苦酒濃煮大豆一服

一升死胎立出

妊娠時疾子不下竈中黃土水或酒或泔

清調塗臍方寸乾再上

又方酒服車轄脂

又方芎白一把水三升煮熟食芎令盡亦

安胎胎死者即出

妊娠中盡燒敗鼓皮酒服方寸匕

妊娠傷寒芎白十莖生薑二兩切水三升

煮去半服取汗

產後血不盡煩悶搗生藕取汁飲二升良
產後腹脹痛者煮黍粘根為飲一服即愈
五色帶下者煮藕汁服一盃良
月水不斷灸內踝白肉際青脉上隨年
壯

又方服地黄酒良或大豆服亦佳
月水不利及無子灸四滿三十壯穴在丹

田西邊相去各一寸半丹田在臍下二寸

漏下積年困篤者取鵲重巢燒灰末之服方寸匕日三服三十日愈重巢者連二年鵲產其上者是

產後月水往來多少不定或不通痛小腹急腰身重白馬尿一升服之良逆生橫生者竈下黃土三指撮酒服立出

小兒第二

凡小兒生下不啼者取兒臍帶向身却將
之仍呵之百度亦可以芻白鞭之
浴新生兒以猪膽一箇汁入湯中令兒無
瘡疥

小兒生輒死者便覷兒口中懸癰前上腭
有胞者急以指摘取頭決令潰去血勿
令血入咽入咽即殺兒慎之

愈

小兒中風口噤雀屎如麻子丸之飲下即
兒生三日內米蜜多則生陰癰米蜜三日
內通得用三豆許朱蜜後與牛黃亦三
豆許除兒百病牛黃後可與米飲研米
作厚飲如豆大與兒三豆許止日三七
日後方哺乳

小兒解顙熬蛇脫皮末之和猪頰車中髓
傳頂上日三四

小兒肚皮卒然青黑以酒和胡粉傳上若
不急治湏臾便死

又方灸臍左右上下各半寸並鳩尾骨下

一寸凡五處各三壯

小兒暴脹欲死半夏隨多少微炮之為末

小兒丹毒搗慎火草絞取汁塗之
小兒赤遊腫若徧身入心腹殺人搗伏龍
肝為末以雞子白和傳之乾易之
又方白堊末水和傳之勿令乾
又身赤腫起者熬米粉令黑以唾和傳之
小兒傷寒發黃搗土瓜根汁三合服之
又方搗青麥汁服之
又方搗韭根汁澄清滴兒鼻中如大豆許